



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

3. Sententia media inter affirmatiuam, & negatiuam sententiam superius  
adductam proponitur. Et cursim infertur, an ex dispensatione possit  
Episcopus Successorem sibi eligere? Et an possit Pontifex ...
- 

[urn:nbn:de:hbz:466:1-76442](#)

## 370 Tract. VI. De Potestate Pontificis

maniter per Doctores. Et est ratio, quia effectus huiusmodi electionis refertur ad tempus, in quo non est futurus Papa leg. qui de iurid. omn. iud. Hæc ille.

### R E S O L . III.

*Sententia media inter affirmatiuam. & negatiuam sententiam superius adductam proponitur.*  
*Et eusmodi inferius, an ex dispensatione possit Episcopus Successorem sibi eligere?*  
*Et an post Pontificem adhuc viuens renunciare Papatum,*  
*& alium Papam loco sui eligere, id est, existens Papa*  
*an possit alium designare?*  
*Et aduentum non posse Papam prius renunciare Papatum,*  
*& deinde alium eligere? Ex part. 10. tract. 5. Resol.*  
*etiam 3.*

§. 1. **V**idiisti, amice Lector, circa præsentem quæst. inter se pugnantes sententias; nunc tertiam opinionem mediæ inter supradictas affiram, & est Patris Suarez, de fide, spe & charit. disp. 10. sect. 5. num. 16. vbi admittendo supradictas opiniones tanquam probabiles, tamen addit: Ego nec simpliciter concederem dictam potestatem Pontifici, nec negarem simpliciter potest ergo Papa ordinare modum electionis, iustum tamen, & utilem Ecclesiæ, quia non sit in destructionem eius, sed in adiunctionem: quare si tantaret prædictum eligendi modum, tanquam ordinatum præscribere, valeret is minimè, neque esset obseruandus: quia planè vergeret in perniciem Ecclesiæ, unde apertam contineat iniustitiam atiam si in rato casu urgente aperta Ecclesiæ necessitate, id faceret, iuste faceret, legitimaque Potestate viceretur, ut arbitror. Et rationes pro Victoria factæ probant. Ita Suarez.

2. Sed magis latè hanc sententiæ probat doctissimus Pater Franciscus Amicus in cursu Theol. tom. 4. disp. 6. sect. 6. num. 204. & sequ. vbi firmat, quod possit Sum. Pontif. sibi successorem post mortem designare, si que sic designatus, validè electus foret; in modo, talis electio apertam non contineat iniustitiam: quod tunc esset, vt declarat Glossa in c. transfig. disp. 79. quando Pontifex hoc faceret, quasi ex testamento dignitatis sua hæredem substitueret. Nam tunc inualida esset electio, tanquam usurpati iuris non sibi: cum Pontifex hanc potestatem non habeat vi hæreditariam cum iure de illa disponendi quomodounque, sed in utilitatem dumtaxat, & emolummentum Ecclesiæ.

3. Assertionem sic explicatam, probat, primò ex præcitat. cap. 5. transfig. in quo videtur supponi, posse Pontificem futurum Successorem nominare: sic n. habet: Si transfig. Papa inopinatus euenerit, ut de sui electione successoris, ante decernere non possit &c. nam eti caput nonnulli explicitent de electione successoris, non quem ipse Pont. immediate, & per seipsum designat, sed medianib. Electoribus, cum quibus ante mortem de futuro successore ab ipsis eligendo delibetur; nulla tamen ratio cogit ad illud sic intelligendum. Præterea si potest illum per Electores se designatos eligere; cur non posset ipse met illum eligerecum sit supra Electores qui potestatem eligendi habent ab ipso Papa, qui electores pro futuro Pontifice determinate potest.

4. Dices, id est non posse præsentem Papam, futurum eligere; quia mortuo eligente non amplius obligat eius electio quæ in vita elegentis non habuit effectum.

5. Sed contra; nam unde constat mortuo Papa

eligente, eius electionem non amplius obligare? Potuit enim Christus hanc potestatem suo Vicario concedere; & aliunde non constat illam ei non concessisse.

6. Probatur igitur Assertion secunda ipso facto Petri, qui viuens successorem sibi elegit Clementem; vt ipsi & Clemens testatur Ep. 1. ad Iacob. Fratrem Domini, circa initium, & Ioannes III. in Ep. vniuersal. ad Germania & Gallia Episcopos, & habet cap. si Petrus 8. quest. 2. vbi dicitur, Petrum Pontificiam potestatem tradidisse successori suo. Quo modo eligendi, aliqui apud Suarez. disp. 10. sect. 4. n. 8. vlos fuisse, putant, Linum & Cletum.

7. Dices, aut Clemens electus fuit à Petro peculiari instinctu Spiritus S. qui modus non est in exemplum trahendus; vel certè electus fuit à Petro non immediatè, sed medianib. Electoribus, quos Petrus ipse constituit: sicut dicitur Pontifex eligere futurum Papam per Electores à se constitutos. Sed contra primo, nam unde constat, hoc Petrum fecisse peculiari instinctu Spiritus S. & non ex ordinata potestate sibi à Christo communicata? Contra secundū, Quoniam (vt rectè notat Cajetan. tom. 1. opus. ar. 3. in Apol. de comparatione autoritatis Papæ cum autoritate Concilij part. 2. cap. 22. ad 5.) talis explicatio est contra textum, in quo legitur, Tradente sibi Petro, non autem ordinante.

8. Probatur tertia Assertion posita, quia nullum extat ius diuinum oppositum prohibens; humanum autem positivum non sufficit, cum Pontifex plenam potestatem habeat supra omne ius humanum positivum: & suam potestatem habeat non ab Ecclesiæ, sed à Deo.

9. Dices: Hoc ius diuinum colligi ex dictibus capitibus Episc. 8. quest. 1. in quibus statuitur, non licere Episcopo successorem sibi eligere. Sed contra, nam manifestè ibi agitur de iure Ecclesiast. quod fuit in Antiocheno Concilio determinatum. Et constat, quia ex dispensatione Papæ potest Episcopus Successorem sibi eligere; vt notat ibi Glossa; & expresse habetur cap. petr. 9. quest. 1. vbi Pontifex Zacharias concedit Archiepiscopo Moguntino, vt sibi successorem post mortem eligat.

10. Nec obstar dicere cum Doctoribus negatiua sententia, quod non sicut expediens, vt talis potestas concederetur Pontifici ob multa incommoda, que ex tali electione nasci possent. Vnde efficax Argumentum sumunt ex eo, quod nullus Pontifex hæc modo vult; id fortè accidit, vel propter probabilitatem contraria sententia; propter quam meritò nullus voluit futuri Pontificis electionem dubio exponere: multa n. speculatiuè indicantur vera; quæ tamen, vt redigantur in proxim, non semper censentur tutæ; ut ne daretur occasio, vt Pontifices hoc iure viceretur vi proprio & hæreditario; qui esse pessimus potestatis abusus.

11. Addit etiam Amicus, quod posset Pontifex adhuc viuens renunciare Papatum, & alium Papam loco sibi eligere. Hæc assertio sequitur ex præcedentibus: nam si potest Pontifex, naturali morte Papatu defunctus, ipse successorem sibi eligere, cur non poterit adhuc viuens, renunciato Papatu, alium in Sedem Petri designare? Nam quod possit spondere Papatum renunciare, maximè auctoritate consensu Ecclesiæ, ab

omnibus

# Eligendi sibi Successorem. Ref IV.

371

omnibus conceditur: idque peculiari statuto definitius Celestinus V. qui & ipse Papam renunciavit: ut de renunti cap. i. refert Bonifacius VIII. qui tunc temporis erat unus e Cardinalibus, ut ipsem testatur. Quod autem ipse eligere possit Papam probatur; quia modus eligendi Papam est de iure positivo, pendens a potestate Romani Pontificis; ergo posset hunc modum statuere, ac seruare.

12. Advertendum tamen est, non posse Papam prius renunciare Papatu, & deinde alium elegere: quia, renunciato Papatu, non haberet amplius potestatem mutandi modum praescriptum ab alio Papa. Sed existens Papa potest alium designare; per quam designationem simul & alter eligeretur, & ipse designaret esse Papa: ita ut electio unus, esset renunciatione & depositione alterius; ut nec simul tempore essent duo Summi Pontifices, nec daretur tempus, in quo nullus esset in tali casu Pontifex; sed quando unus designaret, alter inciperet.

13. Neque huic nostra assertioni obstat, quod, cum Celestinus III. graui morbo laborans renunciare vellet Papatu, & Cardinalem Ioan. de S. Paul. tit. S. Paul., sui ipsius loco eligi cuperet; Cardinales noluerint, afferentes inauditum esse in Ecclesia Dei, ut summus Pontifex se ipsum deponatnam hoc, faciat non eft ante Celestini V. ante quem nullum praececerat exemplum, quod summus Pont. se ipsum sponte e Papatu deponeret. Hucusque Pater Amicus, vbi supra.

## RESOL. IV.

Autoris sententia, & de supradictis opinionibus iudicium breviter profertur.  
Et docetur Pontificem Adiutorem cum futura successione adsciscere non posse? Ex part. 10. tract. 5. Rel. etiam 4.

1. T ha sunt opiniones Doctorum, circa praesentem quæst. Quid ego sentiam, dicam breviter. Ideo affero, quod secunda sententia negativa libenter adhaereo, non solum propter rationes, quas in sui fauorem adducunt communiter DD. sed primi propter relationem Consistorialem, quam DD. citati non obseruant, & de qua mentionem faciunt Ioan. Bapr. Casal de veterib. sacris Christianor. viiiib. cap. 79. in fine, & Andr. Viator. in addit. ad Ciac. in vit. Papa Pij I V. his verb. Anno. 1565. die 18. Cardinales in Consistorio alloquens, statem suam senio confedam in occasum quasi præcipitem ferri, narrans; adiecit, scire se, quæsti à Jurisconsultis, an Romanus Pontifex sibi successorem diligere queat; & sub Paula IV. agitatam quæst. An idem Pontifex adiutorem cum futura successione adsciscere possit. Et quoniam nonnulli, Decius ih primis, id affirmet; eam ramen sententiam Pius, ut falsam, reiciendam censuit: volebatque declarare, & si opus fuisset, statuere Pontificem, Cardinalibus etiam assidentibus, id facere non posse. Maior Cardinalium numerus decretum faciendum, iudicauit. Gambara dixit, declaratum olim à Pont. in Consistorio, & decreto firmatum, hoc à Pont. effici non posse: quare, aiebat, videndum, quibus verbis constitutio facienda, Pius, auditus sententias, decretum inutile non futurum asserit; sequi declaraturum, Pontificem non posse successorem adiutorem cum futura successione habilidigere. Hec ibi.

2. Secundo mouetur ad negativam sententiam magis tenetandam; quia, cum Bonifacius II. tentauerit ordinare sibi successorem, Vigilium Diaconum;

facta tamen iterum Synodo, ipse me Bonifacius Paparum se confessus est Maiestatis: quod sibi successorem constituisset; & decretum sua scriptio munitionum, in praesentia omnium Sacerdotum, & Cleri, & Senatus, incendio consumpsit; ut refert Card. Baron. tom. 7. ann. 571. vbi inter alia haec dicitur: Sed & quam Deo ipsi displiceretur illud, manifestum est, cum, ad aliorum exemplum, eundem Bonifacium citò ex hac vita substraxit Hec Card. Baro. & Gonzo de Illecas in his. Pontificis. in vita eiusdem Bonifacij.

3. Quæ omnia magis firmantur ex verbis S. Syluerij Pontificis & Mart. in epist. quæ habetur tom. 2. Cont. ad Vigil. qui factio Belisarij, eundem S. Syluerium Sede expulerat & in illam fuerat intrusus; dum sic ait: Quia contra iura Caponica temporibus sanctæ memorie Bonifacij Papæ ipso viuente, designari conabaris, nisi tibi amplissimi Senatus obvia fecerit Iustitia, tunc prouidentia Pastorali, ac Pontificali autoritate tua exercenda iam debuerant auxilia detracueri: sed dum paruum vulnus in te negligenter est; insanabile crevit apostema. Hec S. Martyr.

4. His tamen non obstantibus, displicer mihi id, quod afferit Paulus Grylandus Dominicanus in decimob. fidei Cathol. verf. Papa num. 17. Nempe esse propositionem temeritatem, afferere, Pontificem posse sibi eligere Successorem. Nam ut verum fateremur, hic Author aliquando nimis audacter se gerit in censurandis opinionibus, & debeat considerare istam propositionem, quam vt temeritatem dianat, docuisse ornamentum sue Religionis, Magistrum Victoria, & sapientissimum Vasquez, præter multos alios viros doctos. Et licet Pius IV. in eis. decret. Consistoriali vocet hanc opinionem falsam, tamen aliquis posset dicere de illo non constare autenticæ, & declaratio nem illam Pontificis in lucem non prodisse: ideo non obstante, quod ego firmiter reneam, non posse Pontificem Successorem sibi eligere; tamen puto sententiam affirmatiuam Magistri Victoria non posse aliqua censura iniuri donec aliter ab Apostolica Sede determinatum fuerit; & Pater Suar. vbi superprobabilem illam vocat: & à fortiori idem dicendum erit de ipsius sententia, & Patris Amici, licet mihi non placeat; & ideo illam impugnat ex eadem Societate Turrian. in 2. D. Thom. 10. 1. diff. 15. dub. 3. non n. ille casus peculiari necessitatis potest moraliter contingere; & ideo non fuit necessaria talis potestas. Concludendum est igitur absolute, Pont. non posse sibi eligere Successorem.

5. Nota vero quod post hæc scripta inveni sententiam affirmatiuam, quam supra impugnauimus, docere, etiam Martin. Ledes. ex incolyto Ordine Dominicano, præstantissimum Theologum, qui in 2. Quart. 9. 20. art. 4. concl. 10. fol. mibi 312. col. 4. sic ait: Beatus Petrus potuit eligere, & designate sibi Successorem, qui defuncto Petro sine alia electione esse, summus Pontifex. Hec conclusio non recipitur ab aliquib. Theologis recentioribus, ed quod sunt Pontificia Dignitati aliquantum inferiores, quam deceret, alioqui, pij & Christiani Scriptores, qui si fides alibi bona est vera narrantibus, Clementem ipse viuens in Pontificem nominauit, ut habetur 8. quest. 1. c. Si Petrus ex auctoritate Ioan. I. 1. qui fuit tempore Iustiniani. Præterea poterat ferre legem de electione Successoris: ergo potuisset ferre legem, quod viuens Pontifex eligeret Successorem, immo illa lex videtur futura convenientissima ad tollendum Schismata, & ambitions: sicut apud Romanos, & durante adhuc Magistratu consultum, designabantur futuri Consules; ergo ita potuisti fieri de summo